

內大臣足○鑑踏義懷忠、許身奉國、皇朝藉其不世之勳、錫以無窮之賞、胤子正一位太政大臣○不丹誠抗表固辭、天朝卽割賜二千戶傳及子孫、臣等以累世家門久沐榮寵、豈悟逆賊仲麻呂近出臣族、極凶肆逆若斯之甚、今臣等既以凶逆之囚族、猶露忠槩之餘封、以何面目叨近殊厚、伏願奉納先代所賜功封、少塞天下之責、無任兢惶之至、奉表以聞、詔許之。

〔續日本紀三十二〕寶龜元年十二月庚戌、贈太政大臣○不比等藤原功封依舊賜之。

〔日本後紀二十四〕弘仁六年六月丙寅、右大臣從二位兼行皇太弟傳藤原朝臣園人等奉乞還先祖功封自臣等高祖大織冠內大臣鎌子在昔天豐財重日足姬天皇極御宇也緣一匡之功錫封一萬五千戶、胤子正一位太政大臣○不堂構相承、門風是存、由茲慶雲四年勅賜封五千戶、大臣固辭、天恩允請、卽減定二千戶、傳及子孫、天平神護元年從一位右大臣成豐抗表奉返、寶龜元年勅更還賜、大同三年、正三位守右大臣內麻呂又抗表奉返、不蒙允聽、臣等伏料元緒事寄功勞、今臣等冒寵苟進、未効涓塵荷恩時來、徒冥山岳而重叨殊私、久淹歲序、俯仰天地、慙悚罔厝、恐乖忌滿之遠誠、必取覆餗之近憂、伏願奉納所傳功封、以補萬一、少塞素尸、天鑒曲廻、矜斯誠請、則家祚惟永、物議復休焉、無任丹懇切迫之至、謹拜表陳情以聞、不許。

〔享祿本類聚三代格十七〕勅周嘉公旦、祚流七胤、漢禮蕭何、一門十侯、藤氏先祖、逐鳥雀於朝庭、舒鷹鶴之輕翼、見機微於曆數、勒鐘斲之茂勳、以貞介而立身、以獻替而匡主、邦基以之彌固、帝業由其永寧、自厥以來、台位不曠、繼佐王室、久爲龜鏡、書曰、先正保衡作我先王、夫德有不報、則爲德者弛心勞有不圖、則爲勞者解體、是以褒賞封戶、歷代不絕、總一萬五千戶、及彼子孫、不貳之美、旣表於歲寒、有勞之勤、逾著於竹帛、子之能仕、父敎之忠、父子相傳、綿連不絕、恭敬撙節、溫良懷謙、前屢抗表割還封戶、又遭朕嵯峨君臨總求還入、凡弘賞宿勞、哲后通規、敦叙親疎、明王茂典、念惟累世輔弼之臣、往帝國家之助、況復爲朕保傅之族、兼居渭陽之地、思播殊恩、益旌淳烈、故奪忠歎、○歎誤抑而不聽、猶懷爲國之誠、頻效虛